

续,见者皆曰必死。一仁商于刘仲华,取药房中干菖蒲一巨捆,炽炭焚,得灰半斤,随用滑石和研,用麻油调涂遍体,以开水调服一钱,日三服,明日肿减大半,一仁见有效,益厚涂之,改服二钱,日三服,三日而肿全消,饮食谈笑如常人。乃知经方之妙,不可思议也。

前数年予在家乡治谢姓小儿，茎及睾丸，明若水碧，令制而服之，一夕得小便甚多，其肿即消，唯腹满不减，继以姜辛术附，后以急赴沪，不复知其究竟。甲戌十一月，闻此儿已十四岁矣。

庚午秋，治海潮寺路宋姓小儿水肿亦用之。但其人手足不冷，小便清，内服麻黄附子细辛汤，佐以五苓、冬葵子、车前子；外敷蒲灰散，早夜调服一钱。五日而肿全消。每一日夜，小溲十七八次云。

【按】《金匱》曰：“厥而皮水者，蒲灰散主之。”曹穎甫說：蒲灰散一方，今人不用久矣。世皆論蒲灰為蒲黃，其實不然。任應秋說曹穎甫指明“蒲灰散之蒲為大葉菖蒲，一改尤在涇言香蒲之舊例”，“均足以見功夫的純熟，絕非徒托空言者”。

116. 正水

正水前后,脉证不同。仲师虽不出方治,原其脉下所以不同者,而治法已存乎其中矣。

正水已成，则水寒积于下，虚阳浮于上，故寸口脉浮而迟。方在将成，则阴寒锢其表，阳气停于内，故寸口弦而紧。正水已成，则水寒无气，阳郁不通，故趺阳脉浮而数。方在初成，阴寒内薄，气化不行，故寸口关后之脉沉而紧，水寒血凝，故痛。卫气束于寒不能作汗，外散则水不沾渍，下走肠间。营热息于内，则肾阳不通而小便不利，此时寒水暴遏，表里阳气绝然消歇，故但见弦紧沉紧之脉，予谓此直麻黄细辛汤证。麻黄心达表寒，附子以温里寒，细辛由里达表，从下而上，扶肾阳而疏表郁，则大气运行，汗液泄而小便亦通矣。近人漫用五苓五皮以治水，舍此别无良法，抑独何与。

【按】《金匱》曰：“寸口脉弦而紧，弦则卫气不行，即恶寒，水不沾流，直走肠间。少阴脉紧而沉。紧则为痛，沉则为水，小便即